

Grad Novi Pazar

Skupština grada

Odbornička grupa SDA Sandžaka

Novi Pazar

10. maj 2023. godine

P R E D S J E D N I K U

SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OBILJEŽAVANJU 9. MAJA – DANA EVROPE I DANA POBJEDE NAD FAŠIZMOM**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 10. maja 2023. godine.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 20. stav 1, tačka 15), člana 32. stav 1. tačka 6) člana Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 35), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 10. maja 2023. godine, donosi

O D L U K U

o obilježavanju 9. maja – Dana Evrope i Dana pobjede nad fašizmom

Član 1.

Grad Novi Pazar obilježavaće 9. Maj – Dan Evrope i Dan pobjede nad fašizmom.

Član 2.

9. maj – Dan Evrope i Dan pobjede nad fašizmom obilježavaće se prigodnim programima i manifestacijama kojima će se promovirati vrijednosti multietničkog društva, međunarodna toleracija i suživot, te će se promovirati kultura sjećanja na žrtve organiziranog državnog terora koji je proveden u Sandžaku nad Bošnjacima u periodu od 1990. do 2000. godine, na žrtve genocida u Srebrenici, druge civilne žrtve sa prostora bivše SFRJ, naročito djecu, kao i činjenice utvrđene pravnosnažnim presudama međunarodnih sudova nadležnih za procesuiranje ratnih i drugih zločina izvršenih na prostoru bivše SFRJ a naročito na nužnost provođenja procesa tranzicione pravde uključujući i lustraciju.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 10. maj 2023. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke je sadržan je u:

- članu 20. stav 1. tačka 15) Zakona o lokalnoj samoupravi;
- članu 32. stav 1. tačka 6) Zakona o lokalnoj samoupravi;
- članu 15. stav 1. tačka 35) Statuta grada Novog Pazara;
- članu 147. Statuta grada Novog Pazara;
- članu 137. Poslovnika Skupštine grada Novog Pazara.

Razlozi za donošenje odluke:

Region u kome živimo, obuhvata prostor koji je etnički, religijski i kulturološki raznolik, i pogodno je tlo za razvoj demokracije, suživota, nacionalne i vjerske tolerancije. Povoljan je i za dokazivanje da društva sačinjena od različitih vjerskih, etničkih i kulturoloških segmenata mogu dugoročno opstati i razvijati se kao harmoničan mozaik jedinstva različitosti gdje se umjesto konfrontacije usvaja aktivna životna koegzistencija. Iako je ostvarivanje tih idea realno moguće mora se konstatirati da se naš životni prostor, danas, nalazi na jednakoj udaljenosti od pomenutih idea ali i od procesa koji su tim idealima direktno suprotstavljeni. Kako je Novi Pazar multinacionalna sredina odana temeljnim principima na kojima počiva moderna Evropa i moderna društva u njoj a čija je osnovna odlika kako je to i navedeno aktivna životna kogezistencija, donošenjem ove odluke i prihvatanjem obaveze da u godinama ispred nas i trajno obilježava 9. maj kao simbol svega navedenog a naročito kao dokaz otvorenog suprostavljanja fašizmu čije su žrtve ne tako davno bili i Bošnjaci Sandžaka. Pored toga negovanjem kulture sjećanja na neke od najsvirepijih zločina koji su se desili na prostoru Bosne, kao što je genocid u Srebrenici, kao i zločini u drugim dijelovima bivše SFRJ, Hrvatskoj i Kosovu. Kultura sjećanja koje se treba i institucionano negovati i promovirati sama po sebi nije dovolja što je upravo razlog da se, kako je to i prijedlogom ove odluke utvrđeno, afirmiše potreba provođenja procesa kao što je tranzicionalna Pravda uz obveznu lustraciju te promoviranje činjenica utvrđenih od strane relevantnih sudova

osnovanih od strane Ujedinjenih naroda – UN-a. Na način utvrđen ovom odlukom promoviše se princip vraćanja povjerenja među narodima prihvatanjem i zajedničkom promocijom nepobitnih činjenica što je nužan proces za jednu višenacionalnu sredinu kakva je Novi Pazar, koji usvajanjem i provođenjem ove odluke može postati centar promocije modela za ozdravljenje države i društva u kojima živimo.

Objašnjenje pojedničanih rješenja propisanih ovom odlukom:

Član 1: Utvrđena je obaveza obilježavanja 9. maja – Dana Evrope i Dana pobjede nad fašizmom.

Član 2: Propisani su principi i pravila na osnovu kojih će se vršiti obilježavanje 9. maja

Član 3: Propisana je obaveza objavljivanja ove odluke u „Službenom listu grada Novog Pazara“.

Finansijska sredstva za sprovođenje ove obezbijediće se u budžetu grada.